

## Ævintýri í Marokkó og Andalúsíu og lúxussigling

Úrval-Útsýn býður ferðalöngum fjölbreytt úrval ferða til framandi staða undir leiðsögn reyndra fararstjóra. Auk sólarlanda og borgarferða er hægt að svara ævintýraþorsta sínum í spennandi sérferðum, þar sem Marokkó, Andalúsía og siglingar um Miðjarðarhafið, Adríahafið og Karíbahafið eru meðal þess sem boðið er upp á.

„Ferðin til Marokkó er undir yfirskriftinni Dulheimar Marokkó,“ segir Þorsteinn Guðjónsson, framkvæmdastjóri hjá Úrvali-Útsýn. „Ferðin hefst í Almería á Spáni 1. júlí en daginn eftir er haldið til Marokkó yfir Gíbraltarsund með ferju. Næstu daga munum við heimsækja fjórar af þekktustu borgum landsins, ferðast um óbyggða dali inn í eyðimörkina þar sem við upplifum bæði sólarupprás og sólsetur eyðimerkurinnar. Við öukum um fjallvegi í jeppum, heimsækjum framandi markaði, skoðum moskur og hallir og á kvöldin snæðum við dýrindis máltíðir með góðum innlendum vínum. Í lok ferðar njótum við lífsins og slöppum af á sólarströndum Almería. Þetta er ævintýraferð fyrir alla sem vilja skoða eittvað nýtt og framandi, ferðast á kameldýri, rýna í steingervinga, milljóna ára gamla, og jafnvel gista eina nótt í tjöldum eyðimerkurfaranna.“

Önnur ferð sem Þorsteinn mælir með er gönguferð um Andalúsíu. „Sú ferð verður farin 3. til 8. júní og hefur vakið mikinn áhuga,“ segir hann. „Við byrjum



Auk sólarferða og borgarferða býður Úrval-Útsýn upp á Ævintýraferðir þar sem leiðin liggur um ókannaðar slóðir, meðal annars í Marokkó, Andalúsíu og í siglingum um heimsins höf.

í Almería og daginn eftir verður haldið af stað í rútuferð um Andalúsíu. Á þessum slóðum er mikið af sögulegum minjum frá tímum Mára og Rómverja. Farið verður í heimsókn til „hvítu þorpanna“ og í hina frægu Alhambra-höll í Granada. Alhambra-höllin var reist af Máraum á 14. öld. Höllin er á heimsminjaskrá UNESCO. Einnig verður farið í dropasteinshelli og hann skoðaður svo eitthvað sé nefnt. Gist verður á Hostel San Miguel í Nerja. Nerja er lítill vinalegur strandbær, ströndin er klettótt með fallegum sandvíkum. Hótelid er afar vel staðsett í mið-

bænum þar sem iðandi mannlíf er á kvöldin. Gönguferðirnar miðast við þrjá til fimm tíma á hverjum degi í fimm daga og er lagt af stað í þær eftir morgunverð. Síðan er stoppað á athyglisverðum stöðum og hvíldartími tekinn eins og þarf. Þetta eru gönguferðir sem henta öllum sem eitthvað geta hreyft sig og eru líkamlega heilbrigðir.“

Kórónan á ævintýraferðum Úrvals-Útsýnar eru svo siglingarnar. „Við erum með samning við Royal Caribbean Cruises, eitt stærsta skipafélag heims,“ segir Þorsteinn. „RCCL er með

tuttugu glæsiskip í sínum flota og á hverju ári er nýju skipi hleypt af stokkunum. Meðal skipa í flota félagsins eru stærstu skemmtiferðaskip í heimi, Freedom of the Seas og Liberty of the Seas. Þjónusta og allur aðbúnaður er fyrsta flokks í skemmtiferðaskipunum sem sigla um öll heimsins höf, þar á meðal Karíbahafið, Miðjarðarhafið, Suður-Ameríku og Asíu.

Við bjóðum upp á siglingar um Adríahafið, Miðjarðarhafið og vesturhluta Karíbahafs, en um ferðirnar og tilhögun þeirra getur fólk fræðst nánar á heimasíðunni okkar [urvalutsyn.is](http://urvalutsyn.is).“



● **BRIGHTON** Úrval-Útsýn býður upp á spennandi helgarferðir til Brighton í Englandi í vor. Næsta ferð verður 21. til 24. apríl.

Brighton er oft kölluð Litla London, þar sem hún þykir bjóða upp á allt það sama og London nema þar er allt smærra og huggulegra í sniðum. Í borginni eru sjarmerandi listamannahverfi þar sem marglituð hús, götumarkaðir, verslanir og götutónlistarmenn mynda einstaka stemningu. Ferðalangar hafa frjálssar hendur um það hvernig þeir verja tíma sínum í borginni, en ef þörf er á er Birna Þrastardóttir, sem þrautþekkir borgina, þeim til aðstoðar.

### ● NÝ OG BETRI – FERÐIRNAR SEM SLEGIÐ HAFI Í GEGN!

Ný og betri námskeiðin hjá Úrvali Útsýn hafa heldur betur slegið í gegn og eru orðinn fastur liður í haust- og vordagskrá Úrvals Útsýnar. Paulvanir leiðbeinendur blanda saman skemmtun og uppbyggilegum námskeiðum í góða veðrinu á suðrænum slóðum. Farið verður meðal annars í spennandi sumba- og jógaferð til Albir, glæsilega konuferð með Eddu Björgvins og hamingjan fundin með Ásdísi Olsen á ströndum blómaeyjunnar Tenerife. Bjargey Aðalsteinsdóttir sér um umsjón á námskeiðunum en hún er þáulvön í fararstjórn og lærður jógakennari og íþróttafraeðingur. Góður félagskapur, ný sýn á lífið – og ný og betri! Hægt er að lesa meira um námskeiðin á [urvalutsyn.is](http://urvalutsyn.is).

**Ný & Betri** - Ferðirnar sem slegið hafa í gegn!



MEIRA Á [urvalutsyn.is](http://urvalutsyn.is)



# Nýir áfangastaðir í sumar

**Ferðaskrifstofan Expressferðir býður flug og gistingu til Boston og New York í sumar en Boston er nýr áfangastaður Iceland Express.**

„Við bjóðum mjög hagstæðar pakkaferðir bæði til Boston og New York,“ segir Lilja Hilmarsdóttir, forstöðumaður Expressferða, ferðaskrifstofu Iceland Express. Boston er nýr áfangastaður Iceland Express en þangað hefst beint flug 2. júní fjórum sinnum í viku.

„Við erum mjög spennt að geta boðið upp á pakkaferðir til Boston og gistingu á fimm stjörnu hóteli á 99.900 krónur, en hótelið, Tai Boston hefur hlotið viðurkenningar fyrir góða þjónustu,“ segir Lilja.

Ferðirnar verða farnar dagana, 9. til 13. júní og 25. til 29. ágúst og er þegar farið að taka við pöntunum. „Boston er þekkt fyrir að vera ein evrópskasta borg Bandaríkjanna. Þar settust flestir innflytjendur frá Bretlandi og Írlandi að og til dæmis eru þau í Kennedy-fjölskyldunni afkomendur írsku innflytjendanna. Borgin varð fljótlega hástéttarborg. Þarna bjó mikið af vel stæðu fólki og stjórnámálamönnum og borgin ber þess merki í dag en þar eru glæsilegar byggingar og mörg falleg listasöfn,“ segir Lilja. Boston er einnig ein virtasta háskólaborg Bandaríkjanna, þar eru bæði Harvard-háskóli og MIT. „Svæðið kringum Harvard er mjög fallett. Eins er margt sem minnir á frum-



Boston er nýr áfangastaður Iceland Express og bjóða Expressferðir flug og gistingu á hagstæðu verði í sumar.

MYND/NORDIC PHOTOS/GETTY

byggja borgarinnar í miðbænum og gaman að ganga þar um. Það er líka mjög gott að versla í Boston.“

Beint flug til New York hófst á síðasta ári hjá Iceland Express og fékk góðar viðtökur. Í sumar verður flogið einu sinni á dag til borgarinnar. Expressferðir bjóða einnig pakkaferðir til New York, borgarinnar sem aldrei sefur eins og Frank Sinatra söng um árið.

„Við verðum meðal annars með pakkaferð dagana 6. til 9. maí til New York, flug og gistingu á NYC-JC Luxury Apartments

sem er glæsilegt íbúðarhótel í New Jersey með stórkostlegu útsýni yfir Manhattan. Hótelið er rétt við lestarstöðina The Path Train sem kemur manni á tveimur mínútum yfir á World Trade Center; einnig er upplagt að fara með bátum yfir á Manhattan og njóta útsýnisins í leiðinni sem er ógleymanlegt. Það þarf varla að fjölyrða um New York, hún er ein helsta menningarborg í heimi,“ segir Lilja. Nánari upplýsingar er að finna á heimasíðunni, [www.expressferdir.is](http://www.expressferdir.is) og í síma 590 0100.

# Ævintýraferð til Grænlands

**Norðursigling býður í fyrsta skipti upp á ævintýrasiglingu um austurströnd Grænlands á skonnortunni Hildi í sumar.**

Norðursigling færir út kvíarnar í sumar og býður í fyrsta skipti upp á ævintýralega Grænlandsferð. Heimir Harðarson, skipstjóri og einn af eigendum Norðursiglingar, segir um að ræða ferð sem lætur engan ósnortinn. „Við fórum í könnunarleiðangur í fyrria og kynntumst ægífagurri náttúru og einhverju stórfenglegasta fjarðakerfi heims. Risafjörðurinn Scoresbysund teygir sig um 350 kílómetra inn í landið og landslagið er með því hrikalegasta sem þekkest. Inn af honum ganga margir litlir firðir og er kyrrðin óviðjafnanleg. Þarna eru tvö þúsund metra klettur sem stíga lóðrétt upp úr sjónum og sums staðar er þúsund metra dýpi rétt utan við strendurnar. Engar hafnir eru á svæðinu enda bara opið nokkrar vikur á ári og eru allar landtökur gerðar á slöngubáti. Ferðin er því óvenjuleg og spennandi.“

Boðið er upp á tvær brottfarir í sumar. Sú fyrri er 20. ágúst og síðari þann 27. „Farþegar fljúga frá Reykjavík og beint til til Constable Point sem er lítill flugvöllur í vestanverðum Hurry-firði í Jameson Land. Þar eru þeir síðan teknir um borð í Hildi og lagt í viku ferðalag. Farþegarnir sigla því ekki á milli landa heldur koma



Norðursigling býður ævintýrasiglingu til Grænlands í sumar. Hún verður með þægilegu móti og ætti að henta öllum aldurshópum.

um borð í lokuðu fjarðarkerinu. Því er um að ræða þægilega siglingu og ætti ferðin að henta öllum aldurshópum,“ segir Heimir.

Farþegar í hvorri ferð verða að hámarki tólf en auk þess verða fjórir í áhöfn. „Þar af er grænlandskur fararstjóri en hans hlutverk er fyrst og fremst að benda okkur á tilkomumikið dýralíf,“ segir Heimir og nefnir sauðnaut, snæhéra, seli og jafnvel ísbirni auk þess sem hann segir hægt að rekast á hvali utarlega í firðinum. „Þá er reglulega farið í land og boðið upp á göngu- og skoðunarferðir. Fyrstu fimm næturnar er gíst um borð í skútunni en síðustu tvær er boðið upp á gistingu í þorpinu Ittoqqortoormiit fyrir þá sem vilja. Skútan er búin þægilegum klef-

um og kojum og aðstaða um borð til fyrirmyndar. Allur matur er innifalinn. Boðið er upp á nýbakad brauð og vel útilátinn morgunmat og svo er oft grillað á þilfarinu á kvöldin,“ lýsir Heimir.

Norðursigling hefur verið leiðandi hvalaskoðunarfyrirtæki frá 1995 og var fyrsta fyrirtækið sem fór að bjóða upp á reglulegar hvalaskoðunarferðir. Hvalaskoðunarferðirnar eru allar farnar á gömlum eikarbatum sem hafa verið lagaðir að þörfum ferðamanna en auk þess gerir fyrirtækið út tvö seglskip og er annað þeirra Hildur. Flestar ferðirnar eru farnar frá Húsavík en Grænlandsferðin hefst í Reykjavík og henni lýkur þar. Nánari upplýsingar er að finna á [www.nordursigling.is](http://www.nordursigling.is)

**Borgarferðir**

Borgarferðir til Bandaríkjanna

<p><b>New York New Jersey</b> <i>6.-9. maí</i></p>	<p>Verð á mann, m.v. fjóra í íbúð <b>89.600 kr.</b></p> <p><small>Innifalið: Flug með sköttum og öðrum greiðslum, gisting í 3 nætur á NYC-JC Luxury Apartments í New Jersey með dýrlegu útsýni yfir Manhattan.</small></p>
<p><b>Lúxustilboð til Boston</b> <i>9.-13. júní</i></p>	<p>Verð á mann í fjórbýli <b>99.900 kr.</b></p> <p><small>Innifalið: Flug með sköttum og öðrum greiðslum, gisting í 4 nætur á Taj Boston, 5* hóteli í miðborginni. Margverðlaunað hótél fyrir þjónustu sína við gesti.</small></p>
<p><b>Lúxustilboð til Boston</b> <i>25.-29. ágúst</i></p>	<p>Verð á mann í fjórbýli <b>102.900 kr.</b></p> <p><small>Innifalið: Flug með sköttum og öðrum greiðslum, gisting í 4 nætur á Taj Boston, 5* hóteli í miðborginni. Margverðlaunað hótél fyrir þjónustu sína við gesti.</small></p>

Nánari upplýsingar á [expressferdir.is](http://expressferdir.is) eða í síma 5 900 100

**Express ferðir**

Ferðaskrifstofa í eigu Iceland Express

**GRÆNLAND**  
EINSTÖK ÆVINTÝRAFERÐ  
- VERÐ FRÁ 368.000 KR.\*

UPPLIFÐU UNÐUR  
**SCORESBYSUNDS**  
Í 8 DAGA FERÐ  
Á SKONNORTUNNI HILDI

FRÁBÆR AÐSTAÐA UM BORD

\* Innifalið: Flug, flutningur að skútu, gisting, uppabúin rúm og handklæði, matur, leiðsögn og óáfengir drykkir.

➤ [BIRNA@NORDURSIGLING.IS](mailto:BIRNA@NORDURSIGLING.IS) ➤ SÍMI: 464 7265

**WWW.NORDURSIGLING.IS**

**Nordursigling**  
HÚSAVÍK

# FERDIR.IS

Normandí 23.–28. ágúst

Suður-England 22.–26. september



Skemmtileg og fræðandi ferð um slóðir Normanna, rómantíska hafnarbæi og átakavæði seinni heimsstyrjaldar. Skoðunarferðir á hverjum degi. Allar skoðunarferðir og hálf tæði innifalið. Sjá nánar á ferdir.is



Ein af vinsælustu ferðunum okkar. Sjáð borgir og þorp í hjarta Englands. Skoðunarferðir á hverjum degi. Hálf tæði og allar skoðunarferðir innifaldar. Sjá nánar á ferdir.is

Rínarsigling 25.–29. ágúst



Sigling á einu helzta stórfjöti Vestur-Evrópu. Siglt með þægilegu fljótaskipi. Gist um borð í þrjár nætur. Allur matur og drykkir innifalið um borð. Sjá nánar á ferdir.is

Würzburg og Rothenburg 06.–09. október



Stutt en skemmtileg ferð til borganna Würzburg og Rothenburg ob der Tauber. Fornar borgir heimsóttar, ekið um rómantísku leiðina, farið í vinskökkun enda Frankenvininn viðfræð. Sjá nánar á ferdir.is



Sjá einnig frekara úrval ferða á FERDIR.IS  
**Ferðaskrifstofa Guðmundar Jónassonar**  
 Borgartún 34, 105 Reykjavík, S: 511 1515



Lautarferð í almenningsgarði með heimagerðum kræsingum getur verið ódýrari kostur en að kaupa máltíð á veitingastað. MYND/NORDICPHOTOS/GETTY

## Gist í heimahúsum og ferðast saman í bíl

Utanlandsferðir geta komið við þyngjuna og ekki er á allra færi að gista á fimm stjörnu hótélum og borða margréttað á kvöldin. Hér eru nokkur atriði sem geta lækkað ferðakostnað verulega.



Sófinn til reiðu fyrir forvitna ferðalanga sem vilja kynna landi og þjóð gegnum „couchsurfing“.

### GIST Í HEIMAHÚSI

Sófabrim (couchsurfing) er vettvangur fyrir þá sem vilja kynna menningu á hverjum stað gegnum heimamenn. Ferðalangurinn gistir í heimahúsi endurgjaldslaust og tekur þátt í daglegu lífi fólksins sem hýsir hann eftir atvikum. Ferðalangurinn getur svo tekið á móti gestum á sitt heimili. Þetta er hressandi og öðruvísi ferðamáti sem opnar möguleika á að kynna nýju fólki og upplifa landið eða borgina sem heimsótt er á einstakan hátt. [www.couchsurfing.org](http://www.couchsurfing.org).

### ÍBÚÐASKIPTI Í ÚTLÖNDUM

Íbúðaskipti geta verið hagstæður ferðamáti, sérstaklega þegar fjölskyldan fer saman í frí. Í mörgum tilfellum hafa ferðalangarnir aðgang að heimilisbílum og geta því auðveldlega ferðast um nágrennið. Einnig er talsvert hagræði af því að geta keypt inn og eldað heima þegar marga munna þarf að metta. Á vefnum eru nokkrar síður sem halda utan um íbúðaskipti og hér eru þrjár þeirra: [www.home-exchange.com](http://www.home-exchange.com), [www.intervacuum.com](http://www.intervacuum.com) og [www.homelink.org](http://www.homelink.org).

### FERÐAST SAMAN Í BÍL

Til að halda ferðakostnaðinum niðri er stundum hægt að verða sér úti um bílfar milli staða og taka þátt í eldsneytiskostnaði. Á netinu eru vefsíður þar sem hægt er komast í samband við fleiri á sömu leið og þú og á síðunni [www.erideshare.com](http://www.erideshare.com) er hægt að komast í samband við fólk á ferðinni um allan heim.

### ÓDÝRARI BYGGINGARSAGA

Ef þú hefur áhuga á arkitektúr er ódýr leið að taka strætó og sitja í einn hring. Þótt þú fái ekki sömu upplýsingar um það sem fyrir augu ber og ef þú hlustaðir á leiðsögumann í keyptri útsýnisferð gefst þér næði til að horfa í kringum þig og drekka í þig umhverfið.

### HEIMAGERÐAR SAMLOKUR Í GARÐI

Það getur verið dýrt að kaupa mat á veitingastöðum í útlöndum. Ef veðrið er gott er því um að gera að kaupa eitthvað matarkyns í kjörbúð eins og brauð og álegg og halda í næsta almenningsgarði. Í erlendum stórborgum eru íbúar yfirleitt duglegir að nýta sér almenningsgarða á góðviðrissdögum og því gefst ágætis tækifæri á að kynna sér mannlífið meðan mauluð er heimagerð samloka.

### HJÓLAÐ UM ALLA BORG

Neðanjarðarlestir, sporvagnar og leigubílar eru þægilegur ferðamáti milli staða í stórborgum. Ef þú ert hins vegar ekki að flýta þér getur verið stórkostlegt að upplifa borgina á reiðhjóli. Víða má leigja sér þökkalegt reiðhjól á góðu verði í einn eða fleiri daga og eru borgir eins og Kaupmannahöfn og Amsterdam annálaðar hjólaborgir og auðvelt að komast um.



Ramblan í Barcelona er vinsæl meðal ferðamanna.

## Halda spænska viku

Heimsferðir standa nú fyrir spænskri viku og bjóða upp á fjölbreytt tilboð í tilefni hennar. Þar má nefna frábæra helgarferð til Barcelona helgina 5.-9. maí en um þá helgi er mikið um að vera í borginni. Knattspyrnulið Barcelona mætir Espanyol, hinu liðinu í Barcelona í spænsku deildinni. Þá fer einnig fram úrslitakeppni evrópskra félagsliða í körfuknattleik í borginni þessa sömu helgi.

Menningarlífið er með ólíkindum í þessari fögru borg enda hefur hún alið af sér marga frægustu syni Spánar. Tónleikar eru daglega, klassísk músik, djass, popp og hefðbundin flamengótónlist. Meðal áhugaverðra staða má nefna Liceu, óperuhöllina, Palau de Musica, listasöfn Picassos, Mirós og Dalís. Þjóðlistasafnið, MNAC, hefur að geyma minjar Katalóníu og nýlistasafnið, MACBA, í miðju Ravahverfinu hýsir nýstárlegar sýningar nútímalistamanna.

Í Barcelona eru veitingastaðir á hverju horni en tapasréttina ætti enginn að láta fram hjá sér fara meðan dvalið er í borginni.

Heimsferðir eru einnig með sértilboð til Costa del Sol, t.d. 6. maí og 15. maí þar sem gist er í níu nætur. Einnig eru í boði afsláttar-tilboð á öðrum dagsetningum í tilefni Spænskrar viku.

Costa del Sol er tvímælalaust vinsælasti áfangastaður Íslendinga í sólinni, enda býður hann upp á glæsilegt úrval gististaða, veitingastaða og skemmtunar. Þaðan er örstutt að skreppa yfir til Afríku og Gíbraltar og tófrar Andalúsíu heilla alla þá sem henni kynnast.

Heimsferðir hafa einnig boðið geysivinsælar golfferðir til Suður-Spánar undanfarin ár. Þessar ferðir eru að mestu uppseldar en þó eru til örfá sæti nú í lok apríl og byrjun maí til Costa Ballena og Novo Sancti Petri.

## Costa del Sol

6. og 15. maí í 9 nætur

Frá kr. **109.900**

með „öllu inniföldu“



Heimsferðir bjóða tvær frábærar 9 náttu ferðir til **Costa del Sol** í vor. Í boði eru frábær sértílböð, með „öllu inniföldu“ á **Griego Mar** hótélínu sem var mjög vinsælt meðal farþega Heimsferða í fyrra. Ath. mjög takmarkaður fjöldi herbergja í boði á þessum kjörum.

Gríptu þetta frábæra tækifæri og njóttu lífsins í vor á **Costa del Sol** á ótrúlegum kjörum.

Verð kr. **109.900**

Netverð á mann, m.v. gistingu í tvíþýli í 9 nætur með öllu inniföldu á Hotel Griego Mar \*\*\*.



Skógarhlíð 18 • sími 595 1000  
 Akureyri • sími 461 1099  
[www.heimsferdir.is](http://www.heimsferdir.is)

Birt með lýnavara um pæmullur. Heimsferðir skilja sér rett til breytinga á síðu. Ath. að verð getur breyst án fyrirvara.

# Dublin um Páskana



## Dublin

21. - 25. apríl

Dublin á Írlandi er einstök borg sem hefur unnið hug og hjörtu margra Íslendinga í gegnum árin, enda er varla annað hægt en að hrífast af umhverfinu, menningunni og lífsgleði innfæddra.

**Verð frá 79.900 kr.\***  
og 15.000 Vildarpunktur

M.v. 2 í tvíbýli á Camden Court Hotel með morgunverði 21. apríl í 4 nætur. Innifalið: Flug fram og til baka, flugvallarskattar, gisting með morgunverði og íslensk fararstjórn.

\*Verð án Vildarpunkta 89.900 kr.

## Golf um páskana

21. - 25. apríl

4 náttu ferð  
með 5 golfdögum

Tulfarris Hotel and Golf Resort er ekki nema um 50 mín. akstursfjarlægð frá Dublin flugvelli. Hótelíð er hið glæsilegasta í alla staði.

Hótelíð stendur við frábæran 18 holu keppnisgolfvöll. Tulfarris golfvöllurinn er hannaður inn í einstaklega fallega náttúru staðarins, umlukinn Wickow fjallgarðinum og Blessington vatni.

**Verð frá 129.900 kr.\***  
og 15.000 Vildarpunktur

M.v. 2 í tvíbýli á Tulfarris Hotel and Golf Resort 21. apríl í 4 nætur. Innifalið: Flug fram og til baka, flugvallarskattar, gisting með hálfu fæði, flutningur golfsetts, akstur milli flugvallar og hótels, ótakmarkað golf nema komudag og íslensk fararstjórn.

\*Verð án Vildarpunkta 139.900 kr.



VITA er í eigu Icelandair Group.

**ICELANDAIR**  
GROUP



VITA | Skútuvogi 13a | Sími 570 4444 | VITA.is

**vita**

VITA er lífið

# Veröldin skoðuð upp á nýtt

Himinfley Icelandair stefna nú til fimm nýrra áfangastaða, sem eykur enn möguleika fólks til að skoða jörð sína betur, víðar og nær.

## 1 BILLUND Á JÓTLANDI – SVO MIKLU MEIRA EN LEGOLAND

Loks er hægt að fljúga beint til Billund þaðan sem stutt er til allra átta hvort sem ferðinni er heitið um nærsveitir, nágrannaborgirnar Árósa eða Álaborg, eða suður til Þýskalands og annarra lokkandi áfangastaða á meginlandi Evrópu.

Billund er frábær fjölskyldustaður miðsvæðis á Jótlandi, rétt vestur af Horsens og Vejle og norðaustur af Esbjerg. Saga bæjarins er samofin litríkum Legokubbum sem einmitt eru framleiddir í Billund og þar er ævintýraheimurinn Legoland sem nú er orðinn einhver kunnasti skemmtigarður Dana.

En þótt flestir ætli sér að halda áfram ferðalaginu frá Billund verður enginn ósvikinn af heimsókn um hlýlegar sveitir og nágrannabæi sem fela í sér ógleymanleg ævintýri á danska vísu. Þar má nefna skemmtigarðinn Lalandia, safnið Karensminde, víkingaminjar í Jelling, höggmyndagarðinn og fúksúgarðinn í Billund. Á þessum slóðum og kringum bæina Vejle, Horsens og Esbjerg eru einnig fjölmargir afbragðs golfvellar.

Icelandair flýgur þrisvar í viku til Billund, á mánudögum, miðvikudögum og laugardögum frá 1. júní til 12. september.

## 2 HAMBORG Í ÞÝSKALANDI – OPIN, ÖNNUM KAFIN OG GRÆN

Hamborg er kraftmikil stórborg, sú næststærsta í Þýskalandi, með 1,8 milljónir íbúa. Hún stendur á bökkum Saxelfar, um 100 kílómetra frá sjó og er stærsta hafnarborg Þjóðverja og önnur stærsta hafnarborg Evrópu. En þótt Hamborg sé mikil viðskipta- og iðnaðarborg er hún grænni en aðrar þýskar borgir og fræg fyrir fallega garða sína, opin svæði, stöðuvötn, ár og bátaskurði, en í Hamborg eru 2.300 brýr – miklum mun fleiri en í Amsterdam eða Feneyjum.

Í Hamborg gefst tækifæri til lífsins lystisemda, menningar og lista, sögu og samtíma, og þýskra gæða í mat og drykk, en krár og kaffihús eru á hverju strái í miðbæ Hamborgar þar sem kynnst má matreiðslu 40 þjóða á fleiri en 2.000 veitingastöðum. Gera má kostakaup í freistandi verslunargötum og vöruhúsum Hamborgar, og þótt borgin sé viðkunn fyrir leikhús, söngleiki og óperur dunar þar líka djass og popp, svo ekki sé talað um klassík og sínfóníuhljóm-sveitirnar þrjár.

Hamborg á sér langa sögu sem kynnst má í sögusafni borgarinnar eða á rölti um elsta hluta hennar, með skoðunarsiglingu um höfnina og um Alster-vatn í miðri borg. Listunendur fá mikið fyrir sinn snúð í Hamburger Kunsthalle sem er eitt besta safn evrópskar myndlistar frá miðöldum til okkar daga, en aðrir skoða grös og blóm í Planten un Blomen eða líta inn í víðfrægan dýragarð borgarinnar. Næturlífíð er svo kapítuli út af fyrir sig og hægt að komast í tæri við hömlulausa afþreyingu og ögrandi skemmtun af öllu tagi í Hamborg. Borgin er jafnframt kjörin upphafsreitir fyrir lengri ferðalög um Þýskaland.

Icelandair flýgur tvisvar í viku til Hamborgar á þriðjudögum og föstudögum 3. júní til 9. september.

## 3 WASHINGTON D.C. – HÖFUÐBORG BANDARÍKJANNA

Washington er ein af merkilegustu borgum veraldar með fjölda sögufrægra staða og óendanlega marga viðburði. Þar er ljúft að ganga um söguslóðir í Georgetown og njóta lífsins á börum og veitingahúsum á árbakkanum. Helstu söfn, minnismarki og veitingastaðir eru á tiltölulega litlu svæði



1 Það eru undur og stórmerki hvað hægt er að byggja úr Legokubbum, eins og sjá má á þessari mynd úr Legoland í Billund.



2 Það kemur eflaust mörgum á óvart hversu græn og falleg Hamborg er, en þar er dásæmd að njóta lífsins.



3 Tignarleg bygging Hæstaréttar í Washington D.C. er meðal margra spennandi viðkomustaða í höfuðborg Bandaríkjana.



4 Lífið er afslappað og skemmtilegt í Gautaborg.



5 Tær sjór, silkimjúkur sandur og glaða sólskin gerir strandlíf og spænska menningarupplifun við Alicante að paradís.

og því hægt að slaka á í áhyggjulausu fríi.

Í Washington skynjar fólk betur undiröldu þess frelsis, lýðræðis og valds sem er samofið nafni Bandaríkjana, og enginn verður ósnortinn við að skoða Washingtonmínismarkið, Hvíta húsið, Þinghúsið, styttuna af Abraham Lincoln og Thomas Jefferson og Víetnamvegginn, því alls staðar ríkir sterk tilfinning fyrir sögunni í fortíð og nútíð.

Í Washington er sjaldgæft úrval safna í heimsklassa og frægar stofnanir eins og National Museum of Natural History og National Gallery of Art. Þá eru víða áhuga-verðar verslanir með frægum merkjum sem og minna þekktum og framúrskarandi veitingastaðir um alla borg.

Frá Washington D.C. er greiður aðgangur að allri austurströnd Bandaríkjana og ómissandi að skjótast í upplifandi heimsókn til sérstæðs samfélags Amish-fólksins í Lancaster-sýslu.

Icelandair flýgur allt að fimm sinnum í viku til Washington frá 17. maí til 13. september, það er alla daga nema mánudaga.

## 4 GAUTABORG Í SVÍPJÓÐ – AKKÚRAT MÁTU-LEGA STÓR

Gautaborg er hin fullkomna helgarferðaborg, með frábærum verslunum, tónleikum, íþróttaviðburðum og góðum veitingastöðum. Möguleikarnir eru endalausir og næstum allt í göngufæri þótt borgin sé sú næststærsta í Svíþjóð.

Í Gautaborg er urmull sætra kaffihúsa því vinsælt er að „ta en fika“ eða fá sér kaffi og krúðerí á góðu kaffihúsi. Gautaborg er líka draumastaður barnafólks enda nóg að

### ● NOTALEGAR STAÐREYNDIR UM ICELANDAIR

- Icelandair hefur ár eftir ár vermt topplista yfir stundvísustu flugfélög Evrópu.
- Sætisbil í flugvélum Icelandair er það mesta meðal íslenskra flugfélaga og ferðaskrifstofa, alls 32 tommur.
- Í öllum vélum Icelandair eru sjónvarps-skjár í baki farþegasæta sem geyma yfir 150 klukkustundir af afþreyingu; þar á meðal úrval barnaefnis á íslensku, íslenskar kvikmyndir og sjónvarpsþætti, og erlendar stórmyndir sem sýndar eru um borð á svipuðum tíma og þær eru frumsýndar í kvikmyndahúsum.

gera. Tívolíð Liseberg er einn af vinsælli stöðum Svíaveldis, sem og raunvísindasafnið Universum með regnskógum, fuglum, fiskum, hákörpum og eitruðustu skepnu í heimi. Um síki Gautaborgar siglir svo paddan, sem eru bátar sem bjóða upp á frábæra leið til að kynnst borginni. Stutt er í hafið eða næsta stöðuvatn og skerjagarðurinn einstakur þar sem alls staðar má finna kletta til að stinga sér frá eða strendur til að leika sér við.

Sumrin í Gautaborg eru yndisleg og sólrík, og borgin með sína eigin menningu og mállýsku.

Icelandair flýgur tvisvar í viku til Gautaborgar á mánudögum og föstudögum frá 24. júní til 15. ágúst.

## 5 ALICANTE Á SPÁNI – SÓLARSTRENDUR OG DEKURLÍF

Alicante á suðausturströnd Spánar, Costa Blanca, er paradís sóldýrkenda sem elska volga og mjúka sandströnd með blátærum öldum í flæðarmálinu. Þar ríkir spænsk menning og iðandi fjör, og unun að snæða ljúffengan mat í hlýju kvöldrökkri undir suðrænum næturhimni.

Í Alicante má finna allt sem hugurinn girnist: úrvalshótel, frábæra veitingastaði og magnað næturlíf. Þekktasta baðströndin á Costa Blanca er Playa de San Juan, sjö kílómetrar af fínkorna, gulum sandi, tandurhrein og freistandi, en fyrir ofan ströndina raða sér veitingastaðir, hótél, verslanir, tómsundagarðar og golfvöllur.

Alicante er ævaforð hafnarborg og auðkennistákn hennar er kastalinn Castillo de Santa Barbara. Meðal annarra áhugaverðra staða er kirkja heilagrar Maríu, garðarnir El Palmeral og El Ereta, fornleifasafnið Museo Arqueológico Provincial og Coleccio Capa sem er stærsta safn nútímaskúlpútra á Spáni.

Af styttri ferðum frá Alicante má benda á siglingu til sjóræningjaeyjanna Tabarca og Cuevas del Canelobre þar sem eru hæstu hellahverfir á Spáni.

Unaðslegir veitingastaðir eru í Alicante og spænsk matreiðsla að sjálfsögðu í hávegum höfð. Þá er gaman að versla í smáverlunum, vöruhúsum og á markaðnum Avenida Alfonso el Sabio.

Icelandair flýgur einu sinni í viku til Alicante, á fimmtudögum frá 14. apríl til 30. júní, og 15. september til 13. október og svo á miðvikudögum frá 6. júlí til 7. september.



## Notaðu snjallsímamann í útlöndum

Við tryggjum að netnotkun  
fari ekki yfir 50 evrur á mánuði

Hjá Vodafone getur þú notað snjallsímamann  
þinn áhyggjulaus hvar í heiminum sem er.  
Ef þú þarft meira gagnamagn geturðu stillt  
notkunina eftir þörfum á **Mínum síðum** á  
**vodafone.is** eða með einu símtali í **1414**.

*power to you*

vodafone.is





Eiffel-túrninn er einn vinsælasti bónorðsstaður veraldar.

## Bestu staðirnir fyrir bónorðið

Bónorð er alvörumál og margir leggja mikið á sig til að finna hið fullkomna umhverfi til að bera upp stóru spurninguna. En hvaða staðir njóta mestra vinsælda þegar kemur að því að bera upp bónorðið?

Feneyjar eru samkvæmt flestum heimildum hinn fullkomni staður til að horfa djúpt í augu elskunnar og biðja hana að giftast sér. Sumir ganga svo langt að halda því fram að sá sem aldrei hefur setið undir tónum fiðlanna á Markúsartorginu í tungsljósi viti ekkert hvað rómantík er.

Eiffel-túrninn í París er líka vinsæll staður til að bera upp bónorð. Og hvað gæti verið rómantískara en að standa á efstu hæð turnsins með borg elskendanna baðaða ljósum fyrir fótum sér?

Rockefeller Center í New York er kannski ekki fyrsti staðurinn sem kemur upp í hugann þegar hugsað er um rómantík, en mikill fjöldi fólks nýtir sér þó skautasvellið þar til að biðja um hönd hinnar heittelskuðu, við mikla hrifningu áhorfenda.

Fáir staðir í veröldinni eru þó eins fasttengdir rómantíkinni og Veróna á Ítalíu. Borg Rómeós og Júlíu höfðar sterkt til elskenda á öllum aldri og alrómantískasti og vinsælasti staðurinn til að falla á kné og stama út úr sér ástarjárnungum er að sjálfsögðu undir svölunum á húsi Júlíu. Það er varla hugsanlegt að fá neitun á slíkum stað.



Hver gæti neitað bónorði sem borðið væri upp við svalirnar á húsi Júlíu í Veróna?

● **ALLUR ER VARINN GÓÐUR** Gott er að hafa með sér nesti í handfarangrinum ef óvænt veðurspá telur áætlaða flugferð og hungrið sverfur að. Veldu orkuríkt nesti sem tekur lítið pláss og þarfnast ekki stöðugrar kælingar, og best er auðvitað ef kosturinn inniheldur prótín, kolvetni og fitu. Samloka með hnetusmjöri er sem dæmi tilvalin í töskuna, seðjandi og bragðgóð. Orkustangir eru heppilegt ferðanesti, einnig hnetur og þurrkaðir ávextir, poppkorn, saltstangir, ostur og kex. Súkkulaði er gott fyrir sálina, veldur vellíðan og slökun, ásamt því að vera stútfullt af orku. Þegar kemur að afþreyingu í langri bið er gott að vita af spílastokk, litlu borðspili eða góðri bók innan seilingar, sem og lítilli skrifblokk til að skrifa í hugrenningar og hugmyndir.



### ● FYRIR SJÁLFSTÆÐA

**FERÐAMENN** Ferðalangur er vefsíða sem miðlar fróðleik til sjálfstæðra ferðalanga, sem ætla að ferðast um meginland Evrópu og á eigin vegum. Þar er hægt að afla sér upplýsinga um flug, gistingu, bílaleigur, íbúðaskipti, sumarhús, siglingar og fleira. Hægt er að gerast áskrifandi að samnefndu fréttabréfi. Ferðalangur er á slóðinni ferdalangur.net og á Facebook.



## flugrútan

# RÚTAN SEM ÞÚ MÁTT EKKI MISSA AF!

NJÓTTU ÞESS AÐ FERÐAST Á EINFALÐAN HÁTT

### Áætlun Flugrúttunnar frá BSÍ til Flugstöðvar Leifs Eiríkssonar

Gildir frá 27. mars til 29. október 2011.


Mán.	Þri.	Mið.	Fim.	Fös.	Lau.	Sun.
04:40	04:40	04:40	04:40	04:40	04:40	04:40
05:00	05:00	05:00	05:00	05:00	05:00	05:00
05:20	05:20	05:20	05:20	05:20	05:20	05:20
05:40	05:40	05:40	05:40	05:40	05:40	05:40
06:00	06:00	06:00	06:00	06:00	06:00	06:00
06:30*	06:30*	06:30*	06:30*	06:30*	06:30*	06:30*
08:00*	08:00*	08:00*	08:00*	08:00*	08:00*	08:00*
09:30	09:30	09:30	09:30	09:30	09:30	
10:30	10:30	10:30	10:30	10:30	10:30	10:30
11:30	11:30	11:30	11:30	11:30	11:30	11:30
12:30	12:30	12:30	12:30	12:30	12:30	12:30
13:30	13:30	13:30	13:30	13:30	13:30	13:30
14:00	14:00	14:00	14:00	14:00	14:00	14:00
15:00	15:00	15:00	15:00	15:00	15:00	15:00
16:00	16:00	16:00	16:00	16:00	16:00	
21:00*	21:00*	21:00*	21:00*	21:00*	21:00*	21:00*
22:00*	22:00*	22:00*	22:00*	22:00*	22:00*	22:00*
23:00	23:00	23:00	23:00	23:00	23:00	23:00

\*26. maí - 4. september.

Áætlunarferðir Flugrúttunnar eru í tengslum við allar komur og brottfarir flugvéla um Keflavíkflugvöll

Bókaðu á [www.flugrutan.is](http://www.flugrutan.is)

Alltaf laus sæti!



Skannaðu QR kóðann með snjallsímanum þínum



## flugrútan

BSÍ Umferðarmiðstöðin • 101 Reykjavík  
 ☎ 580 5400 • main@re.is • www.flugrutan.is